

**Inatsisartut aalajangiiffigisassaattut siunnersuut Naalakkersuisut peqquneqassasut
nalunaarusiamik suliaqassasut, inatsi naammattumik qulakkeerinninersoq meeqqat
angerlarsimaffiup avataanut inissinneqartut taakkunanullu angajoqqaajusut
Naalagaaffiit Peqatigiit Meeqqat pillugit isumaqatigiissutaat malillugit
sullinneqartarnersut**

*Anna Wangenheim-mit Demokraatineersumit siunnersuutigineqartoq
pillugu*

Ilaqtariinnermut Peqqissutsimullu Ataatsimiititaliap

siunnersuutit aappassaaneerpeqarnerannut

ISUMALIUTISSIISUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Mikivsuk Thomassen, Inuit Ataqtigiit
Inatsisartunut ilaasortaq Eqaluk Høegh, Inuit Ataqtigiit
Inatsisartunut ilaasortaq Mala Høy Kuko, Siumut
Inatsisartunut ilaasortaq Aslak W. Jensen, Siumut
Inatsisartunut ilaasortaq Emmanuel Nuko, Naleraq

5. maj 2022-imi siullermeerinerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Meeqqat angerlarsimaffiup avataanut inissinneqarsimasut inatsimmi naammattumik qulakkeerunneqarnersut kiisalu taakku angajoqqaavisa Naalagaaffiit Peqatigiit Meeqqat pillugit Isumaqtigiissutaat naapertorlugu pineqarnersut pillugit qulaajaasussamik nassuiaasiornissamut Naalakkersuisut siunnersuutikkut peqquneqassapput.

Meeqqanik inissiisarnerni kommunit sullissinnermini ukiuni arlaqalersuni ilungersunartumik kukkuluttortarsimani pillugit Inatsisartut Ombudsmandiata maluginiagaqarsimani tunngavigalugu siunnersuut saqqummiunneqarpoq. Aammattaaq meeqqat sooq inissinneqarsimanertik, qanoq sivistutigisumik inissinneqarfimminniissanerlutik imaluunniit najugaqarfigisaminni qanoq sivistutigisumik najugaqaannasserlutik ilisimaneq ajoraat 2021-imi upernaakkut ph.d-liorluni misissukkat takutippaat.

2. Siunnersuutip Inatsisartunit siullermeerneqarnera

Meeqqat isumaginninnikkut atugarliortut unammillernartoqarnera pimoorullugu tiguneqarnissaat pillugu annertuumik oqallinnermi isumaqatigiissutigineqarpoq. Ilaatigut angajoqqaat piginnaasaqarnerat nukittorsarneqarnissaa siusissukkullu suliniuteqarnissaq oqaluserineqarluni. Taamaattoq pineqartumut tunngatillugu assigiinngitsunik arlalinnik nalunaarussiaqareersoq maluginiarneqarluni. Meeqqat pillugit Inatsisartut inatsisaat Naalagaaffiit Peqatigiit Meeqqat pillugit Isumaqatigiissutaat tunngavigalugu suliarineqarsimasoq, inatsisilli atuutisilernerneqarnissaa ajornartorsiutaasoq ilanngullugu maluginiarneqarpoq. Tamanna nangillugu inatsit naapertorlugu oqartussat pisussaaffimminnik sakkortuumik sumiginnaasimasut imaluunniit mianersuaalliorsimasut kommunalbestyrelsip uppersarsinnaappagu pinngitsaaliissummik akiliisitsinermik pineqaatissiisarnissamik periarfissaq Naalackersuisunit atorniarneqarnerasoq apeqqutigineqarpoq.

3. Meeqqanut- aamma inuusuttunut suliniutit annertusarneqarneri 2020-2023

Naalackersuisut aamma danskit naalackersuisui oktober 2019-imi isumaqatigiippat, nunatsinni meeqqanut inuusuttunullu suliniarneq pillugu suleqatigiinnerup nukittorsarneqassasoq. “Nunatsinni meeqqanut inuusuttunullu atugarliortunut pitsaanagerusumik suliniuteqarnissaq pillugu kalaallit qallunaallu oqartussa qarfiisa assigiinngitsunik suliallit akornanni” suleqatigiinneq piviusunngortinneqarpoq¹. Suleqatigiinneq piffissami 2020-imi 2023-imilu ingerlanneqarpoq. Assigiinngitsunik sulialinnut 80 mio. kr.-t immikkoortinneqarput. Siunnerfilikkamik suliniutit 16-t aallartinneqarput, ilaatigut meeqqanut inuusuttunullu kommunit sullissinerat nukittorsarneqarnissaat ilaalluni. Tassunga atatillugu suleqatigiissitap kaammattuutigaa, kommunini tallimaasuni ataatsimut sullissinermi periutsinik atuutilersitsisoqarsinnaasoq aammalu qarasaasiakkut sulianik uppersaatinillu atuutilersitsiniarnermi isumaginninnikkut tapersiisoqarneratigut sulisut pisortallu piginnaasaannik qaffassaasoqartariaqartoq.

4. Meeqqanik inissiisarnerit angerlartitsisarnerillu pillugit sulianik Ombudsmandip misissuineri

Ukiuni kingullerni² ingerlatsinermut inatsisini malittarisassanik eqqortitsiniarneq unammilligassaqarmat, meeqqanik inissiisarneq angerlartitsisarnerlu pillugit kommunit suliaannik misissuinermik 2021-imi Ombudsmandi allartitsivoq. Misissuinermi siunertarineqarpoq pineqartuni pisortanut sulisunullu ilitersuusiortoqarnissaa, ilanngulluguli naalackersuinikkut aalajangiisartut matumani ilanngullugit Inatsisartut eqqarsarnissaminnut nutaanillu suliniuteqarnissamut tunngavissiiinissaq. Misissuineq 2021-imi ingerlanneqarpoq. Misissuinerup inerneru maj 2022-imi Ombudsmandip saqqummiuppai.

¹ [gkalaallit nunaanni meeqqanut inuusuttunullu atugarliortunut pitsaanagerusumik suliniuteqarnissaq pillugu kalaallit qallunaallu oqartussa qarfiisa assigiinngitsunik suliallit akornanni suleqatigiinneq _dk.pdf \(socialstyrelsen.dk\)](#)

² Inatsisartut Ombudsmandiata 2019, 2020 aamma 2021-imi ukiumoortumik nalunaarutaani kommuneni sullissinermi unammillernartut saqqummiunneqarput

Misissuinerup takutippaa Ombudsmandip paasisai kommunini meeqqanut tunngasuni suliani oqimaatsuni pingaarutilinnilu sullissinerat unammillernartoqartoq. Aamma Ombudsmandip paasisai kommunit sullissinerminni, meeqqat angerlarsimaffiup avataanut inissinneqarsimasut imaluunniit inisseereernerup kingorna angerlartut suliani taakkunani annertuunik kukkunernik ajornartorsiuteqartut, tassami paasissutissat imaluunniit misissuinerit pissarsiariniarnerinut suli ajornartorsiuteqartoqartarmat.

Ombudsmandip paasinninna naapertorlugu, suliani illuatungeriinnut allakkatigut aalajangiinernik kommunit suliaqarneq ajorsimapput. Taamatuttaaq meeqqap angerlarsimaffiup avataanut inissinneqarsimasup inisseereernerup kingorna angerlartinneqartumut atatillugu inissiivigineqarsimasumit oqaaseqaammik kommunit pissarsiniarneq ajorsimasut Ombudsmandi inerniliivoq. Aammattaaq kommunit meeqqamik oqaloqateqarneq ajorsimasut Ombudsmandi inerniliivoq. Matumani pineqarlutik inissiinermi suliani angerlartitsinermilu suliani.

5. Ataatsimiititaliap siunnersuutininik sularinninna

Malittarisassat atuuttut naapertorlugit meeqqamut tunngasuni aalajangiinernut atatillugu oqartussat meeqqap isumaa, meeqqap ukiui inerisimaneralu pingaartinneqarnissaat oqaatigissallugu ataatsimiititaliaq isumaqarpoq³.

Taamatuttaaq illersorsinnaasumik eqqortumik aalajangiiniarnermi suli at isumannaatsumik kommuninit piareersarneqartarnissaasa qulakkeerneqarnissaannik ilaatigut siunertaqartumik ingerlatsinermi malittarisassat malitsinneqarnissaannut kommunit suli unammilligassaqarpassut ataatsimiititaliaq isumaqarpoq, taamatullu pisoqartartoq naak immikkut ittumik matumani suliniutinik aallartitsisoqaraluatoq.

6. Ataatsimiititaliap inassuteqaatai


- Ataatsimiititaliap isumaqatigiittup siunnersuut akuerineqassasoq inassutigaa

³ Meeqqat tapersorneqarnissaannut Inatsisartut inatsisaat nr. 20, 26. juni 2017, kingusinnerusukkat allangortinneqartoq, §2:

§ 2. Inatsisartut inatsisaat una malillugu aalajangiinerit meeqqamut ajunnginnerpaasusaaq aallaavigalugu aalajangiinerusassapput.

Imm. 2. Meeqqamut tunngasuni pissutsini tamani meeqqap nammineq isumai pingaartinneqassapput aamma meeqqap ukiuinut perorsimassusianullu pissussamisoorumik eqqarsaatiginnittoqassalluni.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.




Hans Peter Poulsen
Siulittaasoq




Anna Wangenheim
Siulittaasup tullia




Mikivusuk Thomassen



Eqqaluk Høegh



Mala Høy Kúko



Aslak W. Jensen



Emanuel Núko